

本艸乘雅半偈目錄三

本經上品五

桑根白皮

橘
柚同

杜仲

酸棗仁

決明子

蒺藜子

五味子

芡實

大麻仁

獨活
羌活同

天門冬

菴藟子

茺蔚實

蛇床子

丹參

細辛

白膠

鹿茸附

本經上品六

蘭艸

薏苡仁

地膚子

藍實

木香

王不留行

黃連

葵子

龍膽

景天

卷栢

乾漆

紫石英

礬石

空青

曾青

阿膠

蜜蠟

桑螵蛸

本艸乘雅半偈

錢唐後學盧之頤子繇父覈叅

本經上品

桑根白皮。氣味甘寒。無毒。主傷中。五勞六極羸瘦。崩中。絕脉。補虛。益氣。除寒熱。出汗。

曲直仆偃
靡不怒生
枝幹葉實
各有專精
具木性之
全體者無
出其右

覈曰。所在有之。花堪枝皮。功無差等。葉頻摘
頻發。枝頻剪頻生。雖去枝純幹。幹尤生枝。葉
充蠶食。材多適用。全體專精。灌木易生之上

品也。爾雅云。桑辨自甚者。梔。又云。女桑。楸桑。
檿桑。山桑。郭璞注云。辨。半也。甚。與楸同。半有
楸。半無楸。曰梔。幹小條長。曰女。葉細岐銳。皮
理粗。戾曰楸。檿桑。絲中。琴瑟。山桑。似桑。材中
弓弩。皆材之美者。他木鮮及之矣。李時珍云。
桑有數種。檿條而分者。楸少葉繁。白桑葉大
而厚。山桑葉尖而長。雞桑葉花而薄。子桑先
楸後葉。望海桑。高數丈。枝幹茂盛。亭亭如車

盖桑生黃衣。曰金桑。其本必將槁矣。種樹書云。桑根下。嘗培龜甲。易茂不蛀。典術云。箕星之精。散而爲桑。箕。水星也。龜神在坎。故桑以龜爲食。東坡曰。琴絃舊而聲闇。桑葉揩之。發聲如新。本艸云。桑根見地上者。曰馬額。有毒。殺人。旁行出土者。曰伏蛇。亦有毒。轉治心痛。故吳淑類賦云。伏蛇治痛。馬額殺人。修治。采十年以上。向東畔嫩根。銅刀刮去青黃薄皮。

一重。取裏白皮切焙。皮中涎甚。勿去之。續斷。
桂心。麻子爲之使。忌鐵及鉛。

王盤曰。桑種甚多。不可徧舉。世所名者。荆與魯也。荆桑多樵。魯桑少樵。葉薄而尖。其邊有瓣者。荆桑也。凡枝幹條葉堅勁者。皆荆之類也。葉員厚而多津者。魯桑也。凡枝幹條葉豐腴者。皆魯之類也。荆之類根固而心實。能久遠。宜爲樹。魯之類根不固。心不實。不能久遠。宜爲地桑。然荆之條葉。不如魯葉之盛茂。當以魯桑條接之。則能久遠。而又盛茂也。魯爲地桑。而有壓條之法。傳轉無窮。是亦可久遠也。荆桑所飼蠶。其絲堅韌。用最上也。禹貢稱厥筐壓絲。注曰。壓。山桑。此荆之美而尤者也。魯桑之類。宜

飼小蠶。荆桑宜飼大蠶。凡桑果以接傳爲妙。一曰身接。二曰根接。三曰皮接。四曰枝接。五曰曆業接。六曰搭接。今夫種植之功。其利旣溥。又加之以接傳。猶變稂莠而爲嘉禾。易砮砮而爲美玉也。旣接傳矣。復須剔其蟲蠹。柳子所謂吾聞養樹得養人術。此長民爲國者所當視効也。夫民爲國本。本斯立矣。旣興其本。又除其害。爲治之道。無以外是。苟審行之。不惟得勸課之法。抑亦知教政之本與。

輯要曰。桑之種性。惟在辨其剛柔。得樹藝之宜。使之各適其用。種樹之宜。惟在審其時月。又合地方之宜。使之不失其中。又曰。種樅而後移栽。移栽而後布行。布行而後修蒔。修蒔而後科斫。科斫者。種桑惟在稀科時斫。使其條葉豐腴而蚤發。不致蠶之

穉也。科斫尤在接換。接換之法。惟在時之
和融。手之審密。封繫之固。擁包之厚。使不
至踈淺而寒凝也。

郭子章曰。月令季春之月。命野虞無伐桑
柘。鳴鳩拂羽。戴勝降桑。具曲植籛筐。后妃
齋戒。親東鄉躬桑。禁婦女毋觀。省婦使。勸
蠶事。蠶事既登。分繭稱絲。効功以供郊廟
之服。無有敢惰。所以爲天下蠶事勸也。木
各有所宜土。惟桑無不宜。桑亾不宜。故蠶
亾不可事。豳風之詩曰。女執懿筐。遵彼微
行。爰求柔桑。則豳可蠶。將仲子之詩曰。無
折我樹桑。則鄭可蠶。車鄰之詩曰。阪有桑。
隰有楊。則秦可蠶。氓之詩曰。桑之未落。其
葉沃若。桑之落矣。其黃而隕。桑中之詩曰。
期我乎桑中。則衛可蠶。皇矣之詩曰。攘之
剔之。其檿其桑。桑柔之詩曰。苑彼桑柔。其

下侯甸。則周可蠶。禹貢兗州。桑土旣蠶。厥
筐織文。則魯可蠶。青州厥筐。厥絲。管子亦
曰。五粟之土。其屨其桑。則齊可蠶。荊州厥
筐。玄纁。則楚可蠶。孟子策梁曰。五畝之宅。
樹之以桑。則梁可蠶。蠶叢都蜀。衣青衣。教
民蠶桑。則蜀可蠶。猶之農夫之於五穀。非
龍堆狐塞。極寒之區。猶可耕且穫也。今天
下蠶事疎濶矣。東南之機。三吳越閩最夥。
取給於湖繭。西北之機。潞最工。取給於閩
繭。予道湖閩。女桑婣桑。參差墻下。未嘗不
羨二郡女紅之勵。而病四遠之惰也。夫一
女不績。天下必有受其寒者。而況乎半天
下女不績也。豈第五十之老。帛無所出。不
績則逸。逸則淫。淫則男子爲所蠱蝕。而風
俗日以頽壞。公父文伯母曰。王后親織玄
紈。公侯夫人加之以紃紵。卿之內子爲大

帶。命婦成祭服。列士之妻。加之以朝服。自庶士以下。皆衣其夫。社而賦事。烝而獻功。男女効績。愆則有辟。古之制也。彼大夫之家。而主猶績。奈何令天下女習於逸。以趨於淫乎。國家蠶桑。載在令甲。凡民田五畝。至十畝者。栽桑麻木棉各半畝。十畝以上者。倍之。田多者。以是爲差。特廢不舉耳。故月令躬蠶之禮。魯母績愆之辟。與令甲桑麻之數。此三者。不可謂迂而不講也。

先人云。桑爲蠶食。桑是蠶之天矣。蠶質作絲。絲是蠶之精矣。絲絲縷縷。如人身外之毛髮。身內之經絡。毛髮廣之鬚眉。經絡廣之肉腠。

又深之廣之。如經絡爲營血流行之處。或經
脉損而營血崩。或營血去而經脉涸。從脉生
病。咸可以桑。

叅曰。季夏取桑柘之火。桑當入脾。爲脾之心
藥。以絲縷如脉。心主脉故也。絲發五音。皮堅
似革。色白屬金。亦可入肺。脾之肺藥也。曲直
仆偃。靡不怒生。得木全性。亦可入肝。脾之肝
藥也。精英在榘。色黑氣寒。亦可入腎。脾之腎

此獨拈葉
中絲縷而
言其校榦
皮根理文
絲縷亦各
各井然

藥也。雖入五藏。以脾爲主。然非寄四藏于脾。
四藏別有體用。此則脾藏中之四藏也。設因
脾轉屬。爲効甚速。蓋傷中者。傷中央土。致五
藏之勞與極耳。羸瘦卽肉極。崩中絕脉卽脉
極。桑司中央火。且絲縷專勝。故治肉脉之極。
其功特著。補虛者。補脾土之虛。益氣者。益中
央之氣。絲縷在葉。葉可通心。以除寒熱。汗乃
心液故也。

本經上品

橘柚。氣味辛溫平。無毒。主胸中瘕熱逆氣。利水穀。久服去臭下氣通神。

覈曰。橘柚生江南及山南山谷。今以廣中者稱勝。素華丹實。皮旣馨香。又有善味。尤生于洞庭之包山。過江北則無。故曰江南種橘。江北爲枳。考工記云。踰淮而北爲枳。則有異同矣。橘頌云。后皇嘉樹。橘徠服兮。受命不遷。生

南國兮。屈原比之夷齊。願置以爲像。取其貞
介似有志也。春秋運斗樞云。璇星散爲橘。弓
人以橘爲幹也。柚似橘而大。其味尤酸。孔安
國云。小曰橘。大曰柚。郭璞云。柚似橙而大于
橘。禹貢揚州。厥包橘柚。錫貢。橘柚。皆不耐寒。
故包裹而致之也。錫貢者。須錫命而獻之言。
不嘗來也。列子云。吳楚之國。有大木焉。其名
爲櫟。碧木而冬生。實丹而味酸。食其皮汁。已

憤厥之疾。齊州珍之。渡淮而北。化爲枳焉。則
是其類矣。子虛賦云。橘柚芬芳。蜀都賦云。家
有鹽井之泉。戶有橘柚之園。廣志云。成都有
柚。大如斗。呂氏春秋云。果之美者。江浦之橘。
雲夢之柚。然則橘柚類雖同而種則異。本經
合稱之。功力無優劣矣。考古方書。用橘不用
柚。今遵本經。橘柚並用爲正。修事橘柚。各去
白膜。剉細。鯉魚皮裹一宿。至明取用。